

ro tempore huius occurfus non inſoeliciter tormenta bellica tractabit, & quidquid arte quadam per ignem & metallorum fuſiones ut in Alchimiſticis tentabit pro rei natura, nihil aduerſæ fortunæ experietur.

Directio Lunæ ad trinum Solis, conciliat natum nobiliſſimis mulieribus, ut cum eis ſuauiſſe & ſumma cum hilaritate ac ſolatio conuerſetur. Similiter magnates quoq; beneuolentia & officijs eo tempore natum proſequentur.

Directio Solis ac corpus Veneris 26. 17 efficit ut occasione nobilium mulierum, uel ornamentorum, aut aliarum præcioſarum rerum de Veneris dominio, à principibus natus honoretur, ad dignitatem aliquam euehatur, aut rem faciat. Item decernit lætas ac honorificas nuptias nato, etiam patri foelicem ſtatum.

Directio Mediꝝ cœli ad trinum Lunæ, hæc directio adhuc in uigore eſt, per popularem fauorem, aut nobilium mulierum gratia, nato honores & dignitates tribuit. Item decernit aliquod publicum officium, & munera, & nonnunquam coniugem.

Directio partis fortunæ adhuc ſub Mercurio, lucrum & ſecundam fortunam promittit nato in mercatibus, computationibus, tractatione artium facientium ad ſarinam, & in peregrinationibus.

Iupiter diuiſor ſiue diſpoſitor uitæ huius temporis quàmuis debilis ſit in radice & reuolutione, eſt tamen fortis in mundo in hac reuolutione in trino Solis, qui natum dominari in aliqua dignitate, uel opere ſignificat, data augmentum diuitiarum, proſperitatem, dignitatem, & gloriam, loquetur & conuerſabitur cum regibus, & adipiſcetur dignitatem, lætabitur cum parentibus ſuis, & conſanguineis. Sed omnia iſta præſtabit cum tarditate, eò quòd eſt retrogradus.

Profectio aſcendentis eſt ad 26 gradum Sagittariꝝ in quarta domo radice ſignificat per integram hanc reuolutionem, lucrum ſperandum, & præcium opere, acceſſio hæreditatis, benignitas & fauor parentum, quiq; illorum loco ſint. Tum theſauros obrutos terra ſcrutabimur, & argenti fodinas excutiemus, archana & abſtruſa ueſtigabimus, poſſeſſiones frumentaꝝ comparabimus, aut uendemus, extruemus ædifica, piſcinarum lucra quæremus, teſtamenta condemus, de ſepultura mandabimus. Hoc autem tempore, ſentiemus animi triſtitiam, & mortis metum, contrarium tunc fuerit in aquis uerſari, in ardua conſcendere, militares luſus armorum exercere, glaciem tranſire, coram regibus, & principibus apparere, itinera longa facere. Dies huius profectionis ſunt, Die 19 Aprilis ad  $\Delta$  Veneris dextrum. Die 20 Auguſti ad corpus Saturni. Die 15 Septembris ad quadratum Solis dextrum. Die 11 Decembris ad quadratum Mercuriꝝ dextrum. Die 15 decembris ad ſextilem Lunæ ſiniſtrum. Die 3. Februariꝝ ad trinum Iouis ſiniſtrum.

Profectio Lunæ eſt ad 18. 8 Aquariꝝ in quinta domo radice, in qua perdurabit uſq; ad 26 Iuniꝝ. Delectationi nato eo tempore erit puerilis ætas, uoluptatem etiam capiet de mulierum conſuetudine, & ex ſodalitijs, ſed pericula impendent mendaciorum, & proditiõis. Tum opera danda liberis, amicitia, conuiujs, colloquijs, & confabulationibus, ac circulis. Aptum eſt hoc etiam tempus pacificationibus, contractibus, cõficiendis literis, mittendis nuncijs, nauigationibus, mercatibus, ueſtibus nouis cum incidendis, tum induendis, Inq; ſumma genij obſequio, eſt enim lætifici, & foelix &c. A 26. Iuniꝝ in reliquum ueuolutionis, eſt hæc profectio in ſexta domo radice, tunc uariõrum morborum timenda ſunt pericula, odia & inimicitia excitabuntur quæ tempore longo durent, & ut ſemel dicam, nihil fortunabitur rerum omnium. Tunc cautè erga famulos, & ſeruiẽtes mercede ſe gerat natus, iter non faciemus, non incidentur neq; induentur noua ueſtimenta. Tempus hoc mercatibus aduerſum, omnibusq; contractibus, & negocijs, conuentibus, conſilijs, deliberationibus &c. Dies huius profectionis ſunt, Die 22 Martij ad quadratum Lunæ ſiniſtrum. Die 27 Martij ad partem Celati, Die 30 Mai ad  $\mathcal{U}$  in quinta radice, Die 18 Iulij ad ſextilem